

Taitus

¹ Nai Pol, Anut san urat tamol ipilianag go Jesus Kristus san aposel njilasa ya. Inŕsan pilianek tamolpein sad ilo rumok an ilasa wak, agod maŕau a ru rumok san an lo id Anut san kagin turi tupanip tator o ipilianag a.

² Ilo rumok maŕau da yan sad fun man, kumaen pempem san tinjane wan san tini ganek an id ilod lo yen da. Anut inŕ sewak tamol tia ya. Saen tan en gamugo ilasa dugo kumaen a ipanad an ninjen o promis igane ya.

³ Agod saen a ipiliani an lo inŕsan ru an kuai isip yen a. An njaisag ru fulalek lo ago igane ilasa ya. Anut idsad binawek tamol inŕsan ru kagin ibol an lo urat an njai banig lo igane ya.

⁴ O Taitus, oŕ njaisag nanug mok igo ya, oŕsa ilo rumok maŕsama da naon kisaek a. Bai Anut inŕ Jesus Kristus idsad binawek an da inŕsad ilo panek, maror da dupanop oŕ da amado wa.

Taitus Krit nui lo urat igane ya

⁵ Saen njai Krit nui na oŕ njibisawo man fun igo ya. Urat awan atna yan muruan anda ya, amaiak kubune itout o njibisawo ya. Ago dop imug njurupaio ago mi midaeŕ ilon lo panu kisaek kisaek atem matu pilianai idu wa.

⁶ Aria, midaeŕ ilon lo matu pilianai man tamol naok igo ya. Tamol inŕ ninjen o ru ta dubol na da, agod inŕ iwon kisaek a. Inŕsan nanun muroun ilod lo rumok ak, agod inŕ tinad tamad awad paen na mi dumado wa. Ago gug inŕsan nanuk silei tinadi

dop man, in urat tamol ta imado na wa. Kabelan nanuk fud saian an lo tamad diabi idu banau.

⁷Man dugo, midaen san kagin panek tamol man sad turen lo tamolpein in lo muruan ta dile na da. Man ata wo, in Anut san urat tamol. Fun an ninen o in kabunan ta sakar na wak, tinjaen ta saian kisaek on na wak, in you sakar ak ta iluk na wak, agod wagai gidigheid ta igane na wa. In dal saiak saiak lo filian inane wo ago ta igane na wa.

⁸Tia, in kagin uyan ak mi igane wo imat ak, tamol asau ipalu dop kagin ipani uyanan a. In tamol kankan uyanan anda wak, in tamol itaot ak, in tamol gun ak, agod in sen ulum an yabi dop sen tinin kagin ipani uyanan an ilon a.

⁹In ru uyanan a gubak mi dupitenanad go ilod tupani dan mi yabituani wa. An lo pitenanek a uyanan an san manau ka ipitenanai sinjakaan a, agod tamolpein a in san awan lo dipirgini dan in san pitenanek uyanan an lo awad yafutani wa.

¹⁰Man dugo, id lulunad lo tamolpein wei mi naok igo ya, in silei digane dak, in ru kawan dininen da, agod sewak tinadi, nek a mulun san doup ama ya.

¹¹Tamol naok ago yak on awad wafutani wo uyanan a. Man dugo, insad nino lo pitenanek saian ak tamolpein dukubiai pidinai dop lo filian dinane wo ago digane da. An lo in tamolpein sad samun dukubulai da.

¹²Insigned profet ta igo ibol, “Krit tamol man pempem sewak digane da, in bor gown saiadi ak igo ya, agod dam tunalek tinadi a.”

¹³Agod ru an ru rumok a. Amaiak ninen o ru dabai anda nam pidai dop lo inaned ilo rumok an

dukubunep itaot a.

¹⁴ Kabelan in kududod dugure dop Juda adi sad am rumok tia yan diganuri boi, tia, tamol a ru rumok patud dupani dan sad ru kagin duri banau.

¹⁵ Tamol ikok ak in san ilo sou lo mel an fidian ikok a. Ak man tamol a ilon lo ta ikok na yan, agod ilo rumok an tia yan, in lo mel fidian nun a. Tamol naok an in san kankan, in san man au lo sen malan isue ya.

¹⁶ In awad lo Anut dulong ago dubol da, ak man in sad kagin naok naok lo in signed ru an sewak ru mi kuai te id dukubiai panad da. In saiadi geig a. Awa parsisalek tinadi ak, agod in mel uyan ak ta digane ilasa san dam ta idaisuda na ya.

2

Midaen ilon lo urat tamol urat uyan digane san ru kagin

¹ Aria, Taitus, on melmel uyan a pitenanek itaot ak san dal lo uyan ipani dan mi pitenanaip dulong a.

² Tamol busumak rupidai dulong dop kagin uyan ak mi digane dop tamol mok on dumado wa. In sed ulum ad diabi uyan ak, in ilod lo rumok pe itaot ak, ilo panek amad da dumado wak, agod dam muruan funfun lo dutur sakar a.

³ Nek ago mi pein busumak rupidai dop Anut naon na dumado dak igo won kagin uyan ak lo mi dumado dutor a. In uf ru ta dubol na wak, agod you sakar an ulum ad ta yabi na wa. In kagin uyan an mi tamolpein dupitenanai a.

⁴ Ago dop pein kubakan njed murna an dile dop in aned tamol ninedi wo dumat ak, in aned nanuk dam ninedi wo dumat a.

⁵ Agod in̄sed kagin ipidinai dop madok gun ak lo mi dumado wa. In̄ pein uyadi, in̄aned ab kagin dupani uyan ak, agod in̄aned tamol awad paen na dumado wa. Ago dop kagin an lo talpein ta Anut anen ru yabi idu san tia ya.

⁶ Nek ago mi tamol murna yak dam sed tinid kagin dupani uyan ak nīnen o ru kagin pidinai a.

⁷ On̄ on̄sa madok itaot an gane ilasa, an lo on̄se mok on̄ane tura murou mitilaen uyanan an kubiai dile dop in̄ dam ago digane wa. Anut anen ru ubol itaot dan nīnen o kagin gane wa, ago dop ru saian ta awa lo ilasa san tia ya.

⁸ On̄sa ru man tamolpein ibinawai san mi ubol ilasa wa, ago dop an lo pirginek tamolpein miai ifu wa. In̄ mel saian ak ta dilep ate id Kris tamolpein dupaiad san tia ya.

⁹ Urat bigabeg adi rupidai, in̄aned urat fidian digane dan lo, in̄ tamad awad paen na dumado dop lo ilo uyan dupidinai o maeg digane wa, ago dop tamad awad lo ta dipirgini na wa.

¹⁰ In̄aned tamadi an san mel ta digam na wa. Tia, mel fidian lo in̄ awa yabek kagin mi digane da. An lo in̄sad kagin naok naok a digane na yan lo Anut idsad binawek an san pitejanek bala dupani wa.

¹¹ On̄ ago pitejanai a, man dugo, Anut san ilo panek kuai tem tamolpein fidian malad lo igane ilasag dile ya. In̄san ilo panek an lo idsad aupasek naon tisini wan lo ipasad injiliad a.

¹² In̄san ilo panek an lo man̄au ipitejanad a, an lo kagin fidian a Anut kagin igo tia yan patud tupani da, agod tan san mala bulbal an fidian “tamoi ak” ago tabol a. Agod dam an iduduwad pe

idsinaned ulum ad tabi uyan dop, idsad madok tan en lo tiganep itaot ilasa dop, Anut san kagin turi tupanip ago tator a.

¹³ Ago dugo mel uyanan a ilasa wan ninen o mala nouk tumado da, mel an man Tubud Jesus Kristus idsad Tubun, agod idsad Patu Pasek tamol, an injanen girager aman da tan en lo ilasa wa.

¹⁴ Insen id abed lo muruan isini a, an lo idsad aupasek fidian an san naon lo ipasad injiliad tamul a. Agod in wagen lo idirad go ikok tilasag inisan tamolpein mok tumado da. An ninen o urat uyan uyan ak mi tigane wo yaes isofutanad a.

¹⁵ Aria, ru an tamolpein pitejanaip duloŋ a. Tan suek ru pidinai ak, agod kudo bek ru lo dam pidai dop satuanai a. Talpein enti oŋ tamol kawan ak ago ibol dop dabai ganep awan wafutani wa.

3

Kagin uyan ak lo tatur sakar a

¹ Oŋ tamolpein kankan igo pidinai a. In gabman san tamol gurman agod tamol yanad anda yak sad awad paen na dumado wa. In awa yabek tamolpein ago mi dumado dop, kagin naok naok uyanan mi digane wan san tawan diganep dumado wa.

² In talpein ta patun fo uf ta digane na wak, dida nug ta dupei na wak, aenta ninedi wo ilo sou digane wak, agod dam fidian malad lo insad kagin mos an digane ilasa dop dile wa.

³ Imug id dam njeo tigane na ya. Agog awa parsisalek san kagin lo tumado na ya. Ilo rawek san kagin an lo dal saian ak turi se ya. Ilo imasa san kagin, agod tinid tufutuwi san kagin, an sad

urat pinein tumado se ya. Siai kagin lo tumado na ya, agod aenta siganed mel o teil saiadi se ya. Aenta id lo siai digane dugo id dam nug nug lo siai tigane se ya.

⁴ Ak man saen Anut idsad binawek inſan ilo panek agod ilo muſanek tan en lo kuai tem ilasa yan,

⁵ id patud ipasi a. Idsad kagin itaot ak ta tiganep lo na inſ ago igane man tia ya. Tia, inſiganen ilo muſanek lo na id inſiliad a. Inſan Awan Urgan iganeg id foud tilasa woſ an man ibol ifulanad go ikok tilasa yak oſ a, dal amaiak lo patud ipasi a.

⁶ Inſ Jesus Kristus idsad binawek an lo Awan Urgan tubun mok id lo iwatik idu ya.

⁷ An lo inſan ilo panek lo iganeg inſ malan lo itaot tilasa ya. Ago dop an lo id inſan nanuk mok igo woſ filian a ikubune panad la yan tiſane wa. Id kumaen pempem tumado san tiſane wan niſen o malan tigane tumado da.

⁸ Ru an ru rumok a. Agod ſaisag ilo sou lo ru an dabai nam ubol ilasa dop, tamolpein a Anut o ilod rumok an kagin diganep mel uyan uyan digane san o tinid dupani wa. Kagin naok ago yan uyanan a, agod an mi tamolpein fidian ilod lo nuſon iganep ilasa wa.

⁹ Ae tugtog burau ak riſani wa. Agod saruwak san kubiaek, sumiaek sensen dam patu pani wa. Ae tugtog Moses san kubiaenſ niſen o yan fidian dam nek ago mi gane wa. Man dugo, kagin naok ago yan ilo rumok adi ibinawai san tia ya, agod nuſon tia ya.

¹⁰ Talpein ta midaenſ luluſad lo gilek gidigidad igane tap, kudon wabi. Gug inſ nek ago mi igane

yau tap, fon kududon wabi da wa. Aria, in imoi go kagin saian an mi igane yau tap, patu pani.

¹¹ Man dugo, on ulon ak tamol naok ago yak sen ikubulig saian idug in san aupasek tinin lo awan isa ya. An lo in sen yabi idu ya.

Ru wadan

¹² Murnap nai Atemas boi, tia, Tikikas boi on sa na ngane ipalu wa. Saen in ipalup ilasa tap, on maeg ganep dal ta ulep Gris san taun Nikapolis na wau a. Man dugo, nai ilog ibol dak madid san saen lo nai ante numado wa.

¹³ Aria, on fon Senas kubiaen san manau tamol in Apolos da turen fun digane wo dan o kagin pidinai a. In mel ta lo katuk adi tap, on binawai a.

¹⁴ On Kris tamolpein pitenanai dop kagin uyan ak wagai an digane wa. An lo saen talpein ta muruan ile tap, in dibinawi uyan a. Kabelan in sad ilo rumok an nunon an tia banau.

¹⁵ Tamolpein fidian nai dadi mumado dan on sa na ilo uyan ru digane ipalu da. On ilo rumok adi a ninema wo dumat dan ilo uyan ru in sad na gane yau. Anut in anen ilo panek an fidian da ka amado wa.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Apr 2025 from source files dated 31 Aug 2023

757b3e4e-2023-5b45-893a-ee9294ddeb9d